

5. 4a

DISPUTATIO JURIS GENTIUM PUBLICI
DE
GUARANTIA
PACIS,



Quam

Divini Numinis Auspicio,

PRÆSIDE

DN. HENRICO COCCEJO,

JURECONSULTO FAMIGERATISSIMO

AUGUST. ET POTENTISS. REGIS IN BORUSSIA ET
ELECTORIS BRANDENBURG. CONSILIARIO, EIDEMQUE
AB AULÆ REGIÆ CONSIL. FACULT. JURID. ORDIN.

PROFESS. PRIMARIO CELEBERRIMO,

h. t. UNIVERSITATIS RECTORE MAGNIFICO

ANTEA

SUMMI CONSILII STATUS ELECTORALIS PALATINI ET
COLLEGII REVISORII ASSESSORE, IN ALMA HEIDELBERGENSI DECRETAL,
PANDECT. ET JURIS GENT. PROF. PUBL. ORDIN. MERITISSIMO

*Dn. Patrono & Studiorum suorum Promotore omni
Observantia atarum devenerando,*

Publicæ Eruditorum ventilationi submittit,

In Auditorio Jctorum,

AUTOR ET RESPONDENS

DANIEL de STEPHANI,

Eques Marchicus.

Ad Diem IV. Februar. Anno MDCCII.

FRANCOFURTI ad VIADRU, 1703.

AUGUSTISSIMO

SSIMO *atque* **POTENTISSIMO**

NCIPI AC DOMINO,

DOMINO

IDERICO

ISSORUM REGI,

IONI - BRANDENBURGICO

ROM. IMP. ARCHI-CAMERARIO,

ET PRINCIPI ELECTORI,

REGI, CLIVIÆ, JULIÆ, MONTIUM;

II, POMERANORUM, CASSUBIORUM,

DALORUM, ITEM IN SILESIA CROSNÆ

D U C I

GRAFIO NORIMBERGENSI,

PI HALBERSTADII, MINDÆ, & CAMINI,

N HOHENZOLLERN, MARCÆ, ET

RAVENSBERGÆ,

RAVENSTEIN, ET TERRARUM LAUEN-

BURG. ET BUTOV.

&c. &c. &c.

REGI & DOMINO MEO

NTISSIMO, MUNIFICENTISSIMO.


AUGUSTE atq; POTEN-
TISSIME

R E X,


DOMINE CLEMENTISSIME.



INter devotissi-
ma gratulationum
officia & votorum
solennia, quibus tot
populi anniversaria
vice ingressum Re-
gni Tui, Diem scil. 18. Januarii, nuper-
(2 rime




ime celebrarunt, quem felicem, fau-
tum, fortunatumque esse jubent, Im-
perator, Reges, Electores, Principes,
qui inconcussam Inviētissimæ Domus
Tuæ felicitatem faventissimo affectu
prosequuntur, eamque mente animis-
que percipiunt: inter tot Civium ac
subditorum gaudia & lætitiā: inter
ipsa propemodum fumantia adhuc læ-
tissimi Diei sacra, & ego Tuis advol-
vi audeo pedibus, fastasque & ipse ac-
clamationes ad festivæ hujus memoriæ
celebritatem, multis quidem ætate at-
que gravitate inferior, at nulli in Regem
neum omnium Clementissimum, fide-
cultu, obsequiis secundus, affero. Da-
dis veniam Rex Auguste, fidentia meæ,
quod Regia Tua clementissima fretus,
non ornatissimo atque exquisito verbo-
rum



rum apparatu instructus procidam, verum his qualiumcunque Academico-
rum profectuum primitiis, & submis-
sionis humillimæ atque devotæ Pietatis
erga Te argumentis, gratulandi mate-
riam quæram. Offero igitur Majesta-
ti Tuæ quam humillime has chartas,
exiles quidem, sed certissimi obsequii
tesseram referentes. Ostendunt illæ te-
neros quidem flores, maturos autem
cum annis dabunt fructus, si regali
gratia Tua, qua semper familiam no-
stram fovisti, & adhuc foves, sufful-
tum me intellexero. Servet Te, REX
AUGUSTE, Numen benignissimum
cum AUGUSTA CONJUGE,
& SERENISSIMA REGIA PROLE,
in Ecclesiæ incrementum, securitatem
imperii, Temporum felicitatem, ac sub-

)3

dito-



ditorum Tuorum emolumentum: inter
quos & ipse permaneo,

AUGUSTE atque POTENTISSIME

R E X,

DOMINE CLEMENTISSIME,

MAJESTATI NUMINIQUE Tuo

DEVOTUS

DANIEL DE STEPHANI.



Q. D. B. V.

SECTIO I.
DE
GUARANTIA PACIS
IN GENERE.

SUMMARIA.

- | | |
|--|--|
| 1. <i>Quam sancta habita fuerit fides, simpliciter saltem interposita.</i> | 4. <i>Hinc inventa adminicula Guarantiae &c.</i> |
| 2. <i>Inter Christianos esse, qui fidem hereticis non servandam, asserere haud erubescant, contra Becanum.</i> | 5. <i>Guarantiae vocis origo & derivatio.</i> |
| 3. <i>In fide vix hodie aliquid fidei esse.</i> | 6. <i>Ejus Descriptio.</i> |
| | 7. <i>Ejusdem Divisio.</i> |
| | 8. <i>Quod modis praestetur generaliter Guarantia.</i> |

§. I.

Est equidem fides ipsa per se res sanctissima, neque ullius in terris vinculi castior, atque incorruptior religio, neque ulla, aliarum cautionum praesidio eam muniendi & circumvallandi, necessitas videri debebat: cum nulla sine fide possit consistere sodalitas, sed ea sublata omnis humanae societatis usus tollatur, ut docet

A

Aristot.

Aristot. lib. 1. Rhetor. cap. ult. Et Mich. Piccart. in 3. Polit. Aristot. 13. haud inconvenienter memorat, mundum potius Sole, quam Genus humanum fide carere posse. Veteribus vero tam sancta fuit, ut eam Deorum & Jovis jusjurandum esse ex Ennio doceat Cic. 3. de Offic. circ. f. & Numa fidei solenne instituerit. Liv. lib. 1. cap. 21. ac Romani veteres eam in Capitolio Jovi Opitimo Maximo vicinam esse voluerint. Cic. d. loc. cap. 29. Sed & in Epistola Acontii ad Cydippam apud Ovid. Epist. 20. ita canitur:

Non bove mactato cœlestia Numina gaudent,

Sed, quæ præstanda est, & sine teste, fide.

§. II. Verum eo impietatis & furoris res inter Christianos quoque prolapsa est, ut eorum nonnulli haud erubescant asserere, sicut aliis quibusdam, ita hæreticis quoque (& quidem quos ipsi, cum pars sint, arbitrio tamen suo hæreticos decernunt) fidem non esse servandam. Quod quidem negat Martinus Becanus, atque per calumniam id dici indignabundus contendit. Verum nimis temeritatis est negare, quod publicè literis proditum extat, *Vid. Uffelm. tract. de jure quo homo ferm. oblig.* & plurimis exemplis rebusque in publico Orbis Terrarum conspectu gestis, testatum est. Et ipse Becanus quod verbis negat, re fatetur, & latebram saltem perfidiæ atque perjurio quærit, prout in eodem casu loquitur *Cic. dict. loc. cap. 29.*

§. III. Sed & tum, cum extra aleam posita est fidei obligatio, ita tamen temporum abusu comparatum est, ut in fide vix aliquid fidei appareat, sed homines eò, quod sanctissimum esse debebat, ferè ludere videantur, fidemque datam ad rationes suas fortunæ-

DE GUARANTIA PACIS.

tunæq; vices inflectant. Quod jam conquestus est Silius Italicus de bello Punico secundo, *lib. 11. vers. 3.*

- - - Stat nulla diu mortalibus usquam

Fortuna titubante fides

Et causam, cur aliæ asseverationes accesserint, refert Senec. *lib. 2. Controv. 2.* scil. propter mendacia, ut ait, hominum. Quod non inter privatos tantum, sed & inter Populos ac Principes quoque accidere aliquando videmus. Ita a perfidiæ consuetudine Pœni olim notati fuere, & Punica fides in proverbium abiit, nec habita fides.

- - - Rumpenti fœdera Pœno.

§. IV. Hinc quæ sita atque adhibita ad fidem adstringendam in pace fuerunt varia securitatis nomina ac vincula, cautionumque firmamenta, quæ hodie nomine GUARANTIAE circumferentur. De qua pauca saltem pro Disputatione nunc evolvenda veniunt.

§. V. Guarentiæ seu Warentiæ vox origine est Germanica seu Gothica, à verbo *warten* / quod est custodire, *jemandts warten*; unde nata & ortæ sunt variæ voces ac notiones, apud Germanos, Gallos & Longobardos, ut *Gård* Gothis *sepes* fuit, *Locen. in lex. Sæv. Goth. lit. G.* unde & videtur esse vox *Garten* / hortus, quasi locus septus & custoditus. Ita, *Guarde* Gallis & custodia, & *garder*, custodire, tueri, cavere; & Longobardis *Guardia*; unde Feudorum *Guardia*, quæ pro officio custodiæ dantur, frequens mentio in Jure Feudali 1. *Feud. 2. 1. F. 10. in fin. 2. F. 14.* & in Jure Canon. *cap. 13. de Elect. in 6.* Hinc quoque esse existimamus voces, *Gewähr* / & *wehre* / arma ad custodiam & defensionem facta: item *sich wâhren*

ren/se defendere: & apud Gothos *Wārda* sibi. *apud*
Lothen. d. Tract. lit. W. quin & vox *Werra* sive *Guer-*
ra, bellum, quo quis se vituetur. Inde pariter est
 die *Gewehre* & *guarenda*, securitas seu cautio de evi-
 ctione, seu *Warenda*, uti dicitur in *Spec. Sax. lib. 1.*
art. 15 §. 2., ubi *Warenda* in genere documentum quod
 quis securitatis suæ causa accepit. intelligi vide-
 tur, in verb. *Si Warendam emtionis producere potest*: Et
 mox: *nisi defectum in Warenda patiatur*. Et in tex-
 tu Germanico: *Hat er es in Gewehr zu Recht: Er,*
ihm werde denn Gebrauch an seinem Gewehren. Et
Warenda expresse cautio dicitur in *Spec. Sax. lib. 1. art.*
46. §. 2. & guarandus defensor; d. lib. 1. art. 47. §. 2. & præsta-
tio Warenda. d. lib. 1. art. 65. Add. Spec. Sax. lib. 3. art. 88.
 Hinc *Guarendator* vel *Warendator*, qui securitatem
 pro evictione alteri debet. *Spec. Sax. d. lib. 1. art. 9. §. 6.*
& lib. 3. art. 3. & Warendatio securitatis obligatio. dict.
art. 9. §. 6. in verbis: ipse ejusdem debet esse Warenda-
tor, cum alter ipsius Warendatione indigebit. Et in
 textu Germanico. *Er soll ihm in der Gewehr vertres-*
ten / wenn er seine Wehrschafft bedarff. Hinc & *Gua-*
rentigium, & instrumentum *Guarentigiatum*, quo
 plene alicui cautum, seu quo securus præstatur: uti
 si omnino sit liquidum vel clausulis executivis muni-
 rum. Item *guarentare* vel *guarentizare*, causæ defen-
 sionem suscipere, & de securitate ejus seu tutela ca-
 vere: Et *Guarent*, qui ita patrocinium suscipit vel ca-
 vet. *Hotom. de Verb. Feudal. voc. guarentare. Legib. Longo-*
bard. lib. 2. tit. 28. in constit. Ottonis Imp. Si quis equum su-
um reperit, & ipse se Garentem dare dixerit, statim accertum
garentem eum conducat, & super tertium garentem &c. At-
 que adeo ab eodem fonte *Guarantia*.

DE GUARANTIA PACIS IN GENERE. 5

§. VI. Hinc ergo satis apparet, quid sit *Guarentia pacis*: scil. in genere omne id, quo pars contrahens securior fit de pace observanda, omnisq. adeo cautio, securitas, defensio, quæ pro pace interponitur, vel suscipitur; quod qui facit, est *Guarend de la paix*; *asscurator pacis*.

§. VII. Porro, alia Guarantia est generalis, alia specialis. Illa extenditur ad omnia capita Pacis, omnesq. personas, qualis interposita fuit in Pace Osna-brugensi: *art. 17. §. 5. & seq.* Hæc, quæ ad certas tantum personas vel causas restringitur: uti in eadem Pace specialiter Guarantia præstatur Reginæ Sueciæ pro summa 5. Myriadum nummorum argenteorum uncialium, trima die ipsi ex pacto Pacis in exautorati-onem militum solvenda, *art. 16. §. 12. Conf. Sect. 3. §. 5.*

§. VIII. Præstatur autem Guarantia pluribus mo-dis, & tot sunt ejus in pace, quot in re privata, quin plures forte species. In genere autem fieri potest vel verbis, vel rebus, vel personis. Qua postrema specie qui veniunt, *Guarends* dicuntur.

SECTIO II.

DE

GUARANTIA VERBALI

SUMMARIA.

- | | |
|--|--|
| <p>1. AN pars ipsa Guarentiam Pacis verbis promitte-re possit.</p> <p>2. Aliam esse conventionem,</p> | <p>qua pars pacem facit, a-liam, quæ ejus Guarentiam spondet. Et hanc illi acce-dere.</p> <p style="text-align: center;">A 3</p> |
|--|--|

3. Pars

DISPUTAT. JURID. SECTIO II.

- | | |
|---|--|
| <p><i>eadem Pace & pro
& pro aliis Guarentiam
modo repromittere pos-
:
Guarentia jurata par-
um.
uin & Mediatorum.
e Primariorum Officiali-
um.
Clausula, ut successor, pu-</i></p> | <p><i>bes factus, eandem præstet.</i>
8. <i>Species similis guarentia
verbalis simplicis.</i>
9. <i>Species guarantia jurata
similis.</i>
10. <i>Querimonia, tot machi-
nas religionum & execra-
tionum nihil valere tutan-
do fœderi, exemplo Ma-
dritianj.</i></p> |
|---|--|

§. I.

EQuidem partes ipsæ quæ invicem promittunt, non videntur esse Guarentia Pacis, sed pax ipsa: nec potest cautio videri sine debito principali, sed qui ex cautione agit, quæ sine causa, id est, sine principali debito interposita est, repellitur jure communi quoq; exceptione doli: *l. 2. §. 3. ff. de Dol. mal. Excep.* nec quisquam pro se ipso intercedere, sui que sponsor esse potest. *L. 19. in fin. prin. ff. ad SCt. Vell. L. 71. prin. ff. de Fidejuss. L. 95. §. 3. ff. de solut.*

§. II. Verum alia est conventio, qua pars pacem facit, & pacto de lite transigit, alia qua pro Pace guarentiam præstat. Hic enim actus idem est ac in privatorum contractibus stipulatio; quæ cautio est, in quam pars propriam suam obligationem deducendo, pro ea cavet, *L. 1. §. 4. ff. d. Stipul. Prator, L. 40. princ. ff. de Reb. Cred.* quod & nudo pacto per constitutum fieri potest, si ipse debitor pro majori securitate se soluturum adhuc constituat. Adeundem enim modum etiam pars pacem faciens repromittere in majorem securitatem potest, *omnia pace compre-*
hensa

bensa servatum præsinitumque iri. Atque ita guarentia, est pactum à Pace distinctum, sed ei ita adjectum, ut legem det paci ejusque conventioni. arg. L. 7. §. 5. ff. d. Pact. L. 1. princ. ff. Comm. prad. &c. Atque ita erit instar stipulationis; prout ea vox quoque passim adhiberi solet: sicut in pace Aquisgranensi, Pirenæa, & aliis ita dicitur: lesquels points & articles cydessus enoncés, ensemble le contenu en chacun d'iceux, ont été traités, accordés, passés, stipulés entre les susdits Plenipotentiaires des dits Seigneurs Roys, en vertu de leur pouvoir. &c.

§. III. Quin & fieri potest, ut eadem repromissione pars & pro se & pro reliquis ad Guarantiam obligetur: uti ex verbis pacis Osnabr. art. 17. §. 5. & Monast. §. 115. & 116. infertur. Ex illa enim formula quisque Consortum gemina adstringitur guarantia; altera saltem implicite ratione facti proprii: *se facto suo in leges pacis nihil commissurum*: altera ratione facti alieni, *se Pacem, eaque comprehensos Consortes contra alios violatores, primum monitis, deinde, si id non successerit, armis tuiturum. Conf. Sect. 5. §. 7.* Prior ad hanc verbalem pertinet, altera ad tertiam speciem, quæ fit personis, de qua *infra. Sect. 4.*

§. IV. Nec tantum nuda repromissione guarantia sancitur, sed & accedit quandoq; jurisjurandi religio. Cautum ita fuit in pace inter Gallos & Hispanos conclusa in urbe Aquisgranensi Anno 1668. ubi *in Art. fin.* ita caveretur. *En autre ont promis & promettent lesdits Plenipotentiaires, que le dit Seigneur Roytres Chrétien, le plutôt qu'il se peut, & en présence de telle personne ou Personnes, qu'il plaira au dit Seigneur Roy Catholique deputer, jurera solennellement, sur la Croix, & Evangile*

vangile, Canon de la Messe, & sur son bonneur, d'observer & accomplir pleinement, reellement, & de bonne fois, tout le contenu aux articles du present traité. Eadem jurisjur. formula & aliis tractatibus Hispano-Gallicis inserta est, uti Anno 1544. paci Crespiensi; An. 1559. Paci au Chateau en Combresis initæ, Anno 1698. Paci Vervinia, An. 1659. Paci Pirenae, &c. in quibus omnibus Legati partium sponponderunt, Reges ita solenniter juraturos esse, coram deputato adversarii sui. Similis formula jurandi est in Pace Madritica, §. 49. Anno 1526. & Cameracensi, art. 46. Anno 1529. contracta.

§. V. Et hoc jusjurandum in Pace Cameracensi art. 49. non Regestantum ipsi, sed & Mediatrices, Amica Cæsaris & Mater Francisci, præstiterunt, spondentes *de bonne Foy & par leur serment, pour ce par chacune d'elles donne & touché corporellement au saints Evangelies de Dieu, & canon de la Messe, en presence du saint Sacrament de l'autel &c. scil. se effecturas ut rati habitio sequatur.*

§. VI. Quin in pace Belgica, inter Protectorem Angliæ & Belgas anno 1654. composita, adeo extensa fuit hujus vinculi religio, ut ordines Belgici promiserint, si quem electuri essent vel Capitaneum generalem, vel Imperatorem militia, vel Ammirallum, eos omnes devinctos fore, istum tractatum, omniaque ejus capitula jnramento confirmare: itaque sanctè & cum juramento spondere, se, quantum possint, omnia ea religiose observaturos, & executioni, quod eos spectat, mandaturos, & curaturos, ut ab aliis observentur & executioni mandentur.

§. VII. Deniq; in Pace Madritica de An. 1526. §. 48. cautum præterea fuit, ut Delphinus quoque seu Primoge-

mogenitus Regis filius & successor, cum primum ad pubertatem pervenisset, ad eandem sacramenti religionem adigeretur, ibi; *Incontinent que le Dauphin sera parvenu en l' age de puberte & aura accompli les quatorze ans, le Seigneur Roi sera tenu de luy faire ratifier, confirmer & approuver le dit traite de paix, & tout le contenu en celuy, avec le serment solennel &c.*

§. VIII. Instar Guarantiæ verbalis quoq; est, cum pro majore Pacis securitate clausula additur, uti addita est Paci Osnab. art. 17. §. 2. *Ut sit perpetua lex & pragmatica Imperii sanctio, in posterum aequae ac aliae leges & constitutiones fundamentales Imperii, nominatim Imperii Recessui, ipsique Capitulationi Casarea inferenda &c.* Cujus clausulae hic praesertim effectus est, ut, cum pactum non nisi ipsos pasciscentes obliget, aliis verò extraneis nec profit nec noceat; l. 11. ff. de Obl. & Act. l. 38. §. 17. ff. de Verb. Oblig. l. 12. ff. de Pact. & tot. tit. C. Inter al. act. legis e contrario potestas ad omnes pertineat omnesq; obliget. l. 3. §. 5. ff. de sep. viol.: Accedit, quod qui pactum violat, in privatum committit, paciscentem scilicet; qui legem, in Rempubl. Ex illo facto civilis est actio, ex altero publica. Porro pactum paciscentes tollere possunt, legem fundamentalem ne summa quidem potestas potest, nisi communi consensu omnium &c. Huc quoq; referri potest, scil. ad securitatem verbalem, quod Pace Vervinia conventum est, ut Rex Galliae eam in Acta Senatus Parisiensis, aliarumque Regni Curiarum, & Rationalium Camera Parisiensis; Rex vero Hispaniae in sanctioris & aliorum Regis Consiliorum & Camera rationum in Provinciis Belgicis referri curaret. Thuan. Hist. Lib. 120. ad annum. 1598.

Item & illa clausula, *ut valeat instar rei judicate, &c. Pac. Ofiab. art. 16. §. 12.*

§. IX. Instar Guarentiæ juratæ verò sunt formulæ illæ, quas Reges Galliæ & Hispaniæ aliquando Paci adjiciunt, & veluti mutuæ execrationes sunt, dum se in casum violatæ Pacis banno ecclesiastico &c. subjiciunt. Ita enim in *Pace Madritica §. 49.* formula concipitur. *Se soumettans, quant à ce, à la juridiction, coercion, & censures Ecclesiastiques, jusques à l'invocation du bras seculier inclusivement; & constituant leurs Procureurs in forma Camera Apostolica, pour comparoir en leurs noms & de chacun d'eux, en cour de Rome, par devant nôtre saint Pere ou les Ambassadeurs de la Rote, & subir volontairement la condamnation & fulmination des dites censures en cas de contravention comme dit est; ou pour icelles censures se soumettre & proroger Jurisdiction par devant quelconques Prelats & Juges Ecclesiastiques; & que les dits Seigneurs Empereur & Roy, n'y nul d'eux, sans aucun consentement, ne puisse en facon quelconque demander relaxation de serment, ny absolution des dites censures; & si l'un la demandoit & obtenoit, ne luy puisse profiter sans le consentement de l'autre.*

§. X. Nihil tamen hujus valuit servandæ vel ad annum, nedum perennandæ paci. Sed quicquid tunc excogitari potuit, quod inter partes vel religionis fide sanctissimum, vel execrationum diris terribissimum videretur non potuit vel illius reverentia, vel hujus trepidatio, vel nuptialis fœderis expectatio efficere, quin altero anno recruderit bellum, non tam reparatum quam continuatum, & anno 1529. nova pace Cameracensi iisdem prope formulis componendum de

de quo Guicciard. *Histor. Lib. 16. in f. & Lib. 18.* Thuanus *Histor. Lib. 1.* Sleidan. *Comment. de stat. Rel. lib. 6.* Paul. Jov. *Histor. Lib. 23. & 25.* Seran. *Hist. Gall. in Francisco I. ad annum 1527. &c.*

SECTIO III. DE GUARANTIA REALI.

SUMMARIA.

- | | |
|---|---|
| <p>1. Transitus ad Guarantiam realem.</p> <p>2. Quod modis illa fiat.</p> <p>3. Prioris modi, quo omnes Regni seu Principatus Terræ obligantur, exempla.</p> <p>4. Alter modus, quo Regnum præterea bona mobilia & immobilia, ejusque exempla.</p> <p>5. Circulorum Imperii pro Statibus invicem guarantia in Pac. Ofnab.</p> <p>6. Tertius modus, quo certæ</p> | <p>res obligantur, ejusque exempla.</p> <p>7. Quis potior, si pluribus guarantia realis constituta sit?</p> <p>8. Quid si contendat guarantia realis & hypotheca Vidua Principis?</p> <p>9. An pignus retineri pro alio debito, quam pro quo datum est, possit. Ubi dissensus Grotii, & conciliatio textuum pugnantium.</p> |
|---|---|

§. I.

HActenus de Guarantia quæ fit verbis. Altera quæ rebus fit, incidit in pignoris hypothecæve speciem, iisdemq; regulis continetur, quarum facilis est ex jure communi interpretatio. Atque hæc

hæc Guarantia affectuatio realis dicitur, *in Receptis executionis Pacis*, §. 16. 18. 20. 38. 39. 41. inserto *Recept. Imper.* 1654.

§. II. Constituitur autem hæc guarantia vel in toto Principatu, omnibusq; ejus terris; vel præterea quoque in bonis Principis, mobilibus ac immobilibus; vel denique in certis terris aut bonis.

§. III. In toto Principatu omnibusque ejus terris guarantia hypothecaria sancita invenitur Pace inter Gallum atque Hispanum Anno 1668, inita Aquisgrani. *art. fin.* hac formulâ: *Ont promis & promettent sous obligation de tous & chacuns les biens, & Etats, presens & avenir, des Rois leurs maîtres, qu'ils seront inviolablement observés & accomplis. &c.* Eademque clausula inserta fuit totidem verbis Paci Pirænæ inter eosdem factæ Anno 1659. *art. fin.* & Paci inter eosdem compositæ Anno 1559. *au château en Cambrésis.* nec non Paci Verbinæ *art. 35. &c.*

§. IV. Altera species Guarantiæ, in omnibus Regum bonis, frequens est in ratificationibus pacis: uti in literis ratificationis *du traité de Neutralité entre les Duché & Conté de Bourgogne, de l'an. 1711.* Ubi Rex Galliæ eam præstat his verbis: *Le tout promettons en foy & parole de Roy, & sous l'obligation & hypothèque de tous & chacun nos biens, presens & avenir, garder, observer, inviolablement &c.* Et ex altera parte Archiduces ita: *Promettons en paroles de Princes, sous notre foy & honneur, & l'obligation de tous & chacuns nos biens, tant meubles qu' immeubles, presens & avenir &c.*

§. V. Ita cum convenisset pace Osn. *Art. 16.* ut regno Sueciæ pro exautoratione militiæ solverentur à Cir-

à Circulis Imperii quinq; myriades Imperialium Talerorum, Status hujus articuli guarentiam promiserunt sub hypotheca omnium suorum bonorum. *Pac. Osn. Art. 16. §. 12.* Pro cuius summæ exactiōe collectatio in antecessum decreta fuit, non inter possessores, qui tumerant, sed inter eos, qui ex Amnestia restituendi veniebant: quippe qui lege Pacis & Amnestiæ veri iterum Domini terrarum fierent. *d. art. 16. §. 3. & 9.* Salvo cuique regressu in eos, quorum mora damnum contigerat.

§. VI. Tertia species Guatantiæ realis seu hypothecariæ, in certis scil. rebus constituendæ fit dupliciter: vel enim nudo pacto hypotheca constituitur, vel res ipsa interim possidenda traditur, quod factum in executione Pacis Osnabrugensis, cum Hispani moram facerent evacuando oppido Franckenthal: interim enim Serenissimo Principi Electori Palatino in securitatem traditum est oppidum Hailbronnæ, donec alterius vacua possessio in ipsum transferri posset *Vid. Haupt, Recess. Friedens, Execution, §. 45. & seqq. qui insertus R. 7. 1654.* Et pace *Noviom. art. 26.* Rex Galliæ pro guarantia dicti articuli retinuit oppida & URBES, Chasselet, Huy, Verviers, Aquisgranum. *Dürren/ Linnick/ Nuyß & Zonß.*

§. VII. Quod si pluries pax cum alio atque alio diversis temporibus cum tali formula guarantiæ realis factu fuit, antiquior prævalebit, perinde ut in privatorum causis hypotheca tempore prior. *tot. tit. ff. & C. Qui pot. in pign.* Idenim juris naturalis est ut in pignoribus antiquior potior sit, quod proinde & inter Principes ac Reges jus obtinebit. At privilegia pignorum allegari non possunt, quippe quæ meri sunt Juris positivi.

§. VIII. Unde, si forte Vidua Princeps ratione dotis illatæ vel dotalitij sui in quibusdam terris, quæ & ex guarantia reali alii obligatæ sunt, constitutam habeat hypothecam, nulla nisi temporis prærogativa inter eos obtinebit.

§. IX. Quod autem Grotius *de J. B. & Pac. lib. 3. cap. 20. §. 59.* arbitratur, pignus ex alia causa datum, ex alia debito retineri posse, id jure naturali statuendum omnino non est: quia extra dispositionem alteri nihil juris est in rem pignoratam. Juris vero civilis pignus, quæ intercedere videtur inter *L. un. C. Etiam ob chib. deb. & L. 11. §. 3. ff. d. pign. act.* conquiescet, si dixeris, posse retineri pignus si neutrum debitum solutum est. *d. l. un.* Nam, si creditor debitum pro quo pignus datum acceperit, non poterit pro alio illud retinere. *d. l. 13. §. 3.* De quo, uti & de altera questione Grotii *d. cap. 20. §. 60.* hic latius agendi locus non est.

SECTIO IV.

DE

GUARANTIA, QUÆ PERSONIS FIT.

SUMMARIA.

- | | |
|--|--|
| 1. G uarantie, quæ fit personis, descriptio. | instar caventium pro evi-
tione. |
| 2. Personæ sunt Guarandi vel Obsides. | 4. Prioris speciei guarantiam esse in Pace Hassniensi & Oliviensi. |
| 3. Guarandi intercedunt vel instar Fidejussorum, vel | 5. Alterius, in Pace eadem Olivi. |

DE GUARANTIA, QUÆ PERSONIS FIT. 15

Olivienſi, Oſnabrugenſi,
Monafterienſi, Hispano-
Belgica.

omneſque adeo violatores
Pacti obtineat? Diſt. &
Reſp. objectioni.

6. Quid hæc duæ ſpecies diffe-
rant inter ſe & à guaran-
tia verbalis?

12. An Guarandi, parte le-
ſa nihil conquerente, in
violatorem agere poſ-
ſint?

7. Scrupulus ex Pace Oliv. in
medio relictus.

13. An Mediatores guaran-
tiam præſtare teneantur,
ſi pace id cautum non
ſit?

8. Guarantia aliquando Pace
non promittitur, ſed tan-
tum permittitur.

14. An poſſint ſaltem ſi ve-
lint? Ubi eadem diffe-
rentia, quæ §. 10. expoſita
eſt.

9. Atqui otioſa videtur illa
permiſſio, cum & ſine ea
cuique Regum licitum ſit
jure Gentium, pacem al-
terius tueri.

15. An intelligatur guaran-
tia promiſſa, ſi Mediator
majoris ſecuritatis cauſa
ſubſcribere rogatus, id fe-
cerit?

10. Reſp. Sed hoc factò eum
belli in ſe cauſam & parti
& ſociis ejus dare,
& ſocios ex fœdere parti
aſſiſtere teneri. Permiſ-
ſa verò Guarantiâ ſi id
faciat, nec inde cauſam
belli in ſe eſſe, & ſocios
nec poſſe alteri ſuccurre-
re, nedum ex fœdere, qua-
lecunque intervenierit, te-
neri.

16. Obſides proprie non eſſe
guarandos.

17. Eos magis ad ſpeciem
Guarantia realis perti-
nere.

11. An guarantia jura tantum
contra partem quæ violat,
an & contra extraneos,

18. Quomodo Guarantia per
ex promiſſionem fieri poſ-
ſit?

19. Sponſores quoque Pacti
proprie non eſſe Guarand-
os.

DISPUTAT. JURID. SECTIO IV.

§. I.

Tertia species Guarantiæ est, quæ personis fit; scil. cum Patri securitas Pacis præstatur inter-ventu aliarum personarum, quæ in casum vio-latæ Pacis tenentur.

§. II. Hæ personæ vel propria autoritate pro-priaque voluntate interveniunt; & hi *Guarandi* vo-antur; vel alterius autoritate atque Imperio, & di-untur *Obsides*, Gaiſſel/ de quibus deinceps.

§. III. Guarandi proprie dicti intercedunt & o-oligantur vel instar *fidejussorum*, vel instar *caventium* *pro evictione*. Instar *fidejussorum*, cum extranei par-ibus spondent Pacis securitatem contra ejus viola-tores. Instar *cautionis pro evictione* vero, cum econ-trario partes ipsæ eandem securitatem pacis repro-mittunt contra violatores.

§. IV. Prioris speciei exemplum est in tractatu Pacis Hassniensis, quæ Anno 1660. inter Suecos & Danos coijt: Ejus guarantiam promissere Rex Gal-liæ, Respublica Anglicana, (quæ eodem tempore Re-gem suum recipiebat) & Ordines fœderatæ Belgicæ, qui & expresse Guarandi & fidejussores ibi in art. 34. vocantur, ubi hæc formula refertur; *Eos universos jun-ctim, mediante generali guarantigio, & singulos seorsim speciali guarantigio, optimo modo & in amplissimâ ac tutissimâ formâ, quâ fieri posset, se invicem obligare & adstringere, quod velint esse Guarandi ac fidejusso-res pro omnibus pace ista pactis, quod omnimodo & in omnibus suis clausulis hac integrè teneri & in æternum observari, ut & in casu contraventionis ex alterutra parte decenter vindicari debeant. Et mox additur; Ab il-lis non solum ut Mediatoribus, sed & ut Guarandis & fidejus-*

Fidejussoribus ac vindicantibus, ut Paci subscriberent desulcratum fuisse. Apud Loccen. Hist. Succ. pag. 449. Pacis vero Olivienfis, quæ eodem Anno 1660. inter Regem Sueciæ, & Regem Poloniæ hujusque confœderatos Principes, Imperatorem scil. & Serenissimum Principem Electorem Brandenburgicum, contracta est, Guarantiam suscepit Rex Galliæ, quæ art. 36. ita refertur apud eundem Loccen. pag. 921. Cum pro majori securitate hujus Pacificationis tam Serenissimus atque Potentissimus Rex Sueciæ, quam Sereniss. atque Potentiss. Rex & Respublica Polonia, & Serenissimus atque Potentissimus Elector Brandenburgicus postularint, ut & Potentiss. Princeps ac Dominus, Dn. Ludovicus XIV. Galliarum & Navarra Rex, executionis & observationis illius inter eosdem Fidejussor existeret; Sacra Majest. Christianiss. postulationibus & votis eorum annuens, pro se ac successoribus suis, Regibus Galliæ, spondet ac promittit, idque per Legatum suum, plenariis mandatis ad hanc Guarantiam cavendam instructum, se executionem horum pactorum, eorumque observationem ac perpetuitatem inter eosdem supra nominatos Principes, omni meliori quo fieri potest modo, etiam armis, ubi amabilia media non processerint, asserturam: & si quis eorum sub hac fidejussione comprehensorum illa violarit, arma viresque suas parti læsæ ad ejus requisitionem, juncturam &c.

§. V. Exemplum autem ubi instar cautionis pro evictione est Guarantia, pariter habetur in eadem Pace Olivienfi. Nam & ipsæ Partes ad securitatem Pacis se adstrinxere. art. 35. Verba hæc sunt. *Promittunt supra memorata Partes paciscentes omnes, tam Principales quam fœderata, se hanc transactionem ac Pacem, omnesque ejus articulos, capita & clausulas, sancte*

Et inviolabiliter servare velle & debere; (Nota huc usque guarantiam merè verbalem, de qua ad Sect. 2.) Et, ne impofterum violari queat, se invicem ad generalem guarantiam & eviſionem mutuam ac deſenſionem reciprocam omni ex parte obſtringunt. Hiſce quam fieri poſeſt firmiſſime ſpondentes, ut, ſi contingat, unam partem ab altera, vel plures à pluribus, terra vel mari, bello contra hanc Pacificationem impeti, aggreſſor ipſo facto pro infractore hujus pacis ab omnibus habeatur, ejusdemque beneficio excidat: Et tam altera reliqueque Paciſcentium Partes Parti læſæ, ad ſummum intra 2. meſes à requeſitione Partis læſæ, eidem communibus armis aſſiſtere, & bellum tamdiu contra Aggreſſorem proſequi, donec pax communi omnium Partium conſenſu reſtituta fuerit, indicem teneantur. Talis quoque eſt guarantia Pacis Oſnabrugenſ. art. 17. §. 5. & 6. & Monafter. §. 115. & 116. Nam & ibi ipſe Partes ita obligantur: Teneantur omnes hujus tranſactionis Conſortes univerſas & ſingulas hujus Pacis leges contra quemcunque, ſine Religionis diſtinctione, tueri & protegere, & ſi quid eorum à quocunque violari contigerit, læſus ladentem inprimis quidem à via facti debortetur, cauſa ipſa vel amicabili compoſitioni vel juris diſceptationi ſubmiſſa. Veruntamen, ſi neutro horum modorum intra ſpatium trium annorum terminetur controverſia, teneantur omnes & ſinguli hujus tranſactionis Conſortes, junctis cum parte læſa conſiliis viribusque, arma ſumere ad repellendam injuriam à paſſo; moniti, quod nec Amicitia, nec juris via locum invenerit. Ejusdem generis eſt Guarantia Pacis inter Regem Hiſpaniæ & Belgas Anno 1648. Monafterii concludæ: in cujus Art. 76. ita inter Partes convenit: Promittunt inſuper, nihil ſe facturos contra aut in præju-

præjudicium hujus tractatus: (hæc Guarantia verbalis) nec laturos ut fiat directè vel indirectè, & si quippiam factum fuerit, se reparari curaturos sine ulla difficultate aut dilatione, atque ad observationem omnium eorum, quæ supra commemorata sunt, se ipsos obligant respectivè; imò ipse Dn. Rex se suosque successores. apud Brachel. Histor. lib. 8. pag. 32.

§. VI. Hinc apparet, quid differant tres illæ Guarantiæ species; merè verbalis, & duplex illa quæ personis fit. Scil. meris *verbis* fit, cùm pars spondet; *Se adversus Pacem nihil acturum. vid. §. præc.* Instar cautionis pro evictione est, quando pars spondet: *Alios adversus pacem nihil acturos.* Instar. *fidejussionis*, quando extraneus spondet: *Partes nihil adversus Pacem acturas.* Nec officit, quòd nemo promittere possit factum alterius, *alterum non facturum, vel per alterum non fore. §. 3. just. de Inut. stip. l. 38. princ. & §. §. seqq. ff. d. Verb. Obl.* Nam hac promissione continetur factum proprium, *se curaturum ne fiat &c. juxta l. 81. pr. l. 83. princ. ff. d. Verb. Obl. tot. t. ff. Rem rat. hab.*

§. VII. Hinc in *d. art. 36. Pac. Oliv.* pingviùs dici, quin contradictorium videtur; *Integrum fore Paciscentibus omnibus, eandem Regis Gallia Guarantiam & fidejussionem suscipere.* Certum enim est, ipsos Paciscentes non posse pro se ipsis aut apud se ipsos fidejubere, & sui ipsorum fidejussores videri: *Sup. Sect. 2. §. 1.* Nec integrum amplius ipsis intelligi potuit, guarantiam suscipere, ad quam *art. 35.* se jam expressè obligaverant: nec sensus genuinus videri verborum, *suscipere eandem guarantiam Regis Gallia*, qui extraneus erat. Verùm hæc nos in medio relinquit.

§. VIII. Aliquando non promittitur Guarantia, sed permittitur tantum, non ut Guarandi obligentur ad præstandam securitatem, sed ut integrum iis sit, eam suscipere. Ita nec in Pace Neomagensi, nec in Risvicensi peculiaris Guarantia constituta, sed omnibus Principibus permessa fuit: ita enim in *art. 34.* statuitur. *Imperator & Rex Christianissimus consentiunt, ut omnes Reges, Principes, & Resp. super executione & Observantia tam omnium quam singulorum, qua presenti tractatu continentur, alte memoratis sacra Casarea Majestati, & sacra Regia Majestati guarantiam præsentent.* Similiter in Pace Risvicensi: *art. 54.* *Utrique parti liceat pacem hanc ejusque observationem fœderibus &c. firmari, & cum aliis quoque Regibus, Principibus, & Rebuspubl. tum imprimis Suecia Regi, seu Mediatori, aequè ac virtute Pacis Westphalica eam asserere, sacraque Casarea Majestati, Imperioque, & Sacra Regia Maj. Christianiss. Guarantiam præstare semper fas erit.*

§. IX. Verum enim vero quis ejus clausulæ, & an aliquis sit effectus, ambiguum videtur. Nam etiam citra talem dispositionem, & omiſsa illa, Regibus jure Gentium licitum est invicem assistere, Partemque, quæ contra Pacis tenorem læsa est, armis juvare. Ita Abrahamus Lothum bello captum armis eripuit. *Gen. 14.* Cyrus in Orat. ad milites ait: *τί ἐν ἰσὶ τῷ τοῖς φίλοις ἀξίον καλῶν.* *Quid pulchrius quam suppetias ferre amicis.* *Xenoph. Cyropad. Lib. 1.* Nam & fœdera defendendi causa inire licet. Ergo & defendere. Idque ipsa forma fidelitatis Feudalis probat; quæ eo pertinet, ut Vassallus Dominum armis quoque juvet. *2. F. 7. 8. & 48.* Et Romani nomen sibi ingens compararunt, defensa Græcia aliisque populis. *Liv. Hist. lib. 34.*

Lib. 34. cap. 12. & 32. Cui ergo usui hoc in pace caveri, ac Regibus concedi, quod natura iis permissum est.

§. X. Norandum igitur, licitum quidem jure esse, Principi amico contra hostem ipsius armis succurrere; sed quoniam hostis hoc facto sibi injuriam fieri contendit, hinc inde ipsi adversus assistentem quoque justa belli causa est. Quod variis locis docet *Livius Histor. Lib. 34. cap. 22. in oratione Quintii Ducis. & Lib. 30. cap. 42. in Responso Senatus Romani &c.* Verum, si talis defensio ac guarantia pace permissa fuerit Regi, nulla inde in eum justa belli causa fingi potest: neque enim pars pro injuria habere id potest, quod ipse pacto Pacis ac lege guarantiæ concessit *Vid. Pac. Oliv. art. 35. §. 1. & 3.* Et ita prædictus dux Rom. Quintius Antiocho hanc conditionem proponit, ut, *si hic Asia fines transcendat, Romanis jus sit Asia amicitias tueri ac quarere*; ita scil. ut hoc facto non videantur causam bello dedisse. *Liv. d. lib. 34. cap. 57.* Unde porro quoque sequitur, bello ita ex lege permissæ guarantiæ suscepto, socios alterius Partis nihil offendi; unde nec assistere ei ex fœdere, qualemcunq; intercesserit, tenentur; quin nec jure possunt, cum nulla injuria prætexi possit ubi ex lege utrinque conventa agitur. At, si nulla guarantia permissa, Rex alteram partem armis tueretur, hoc quidem jure communi belli potest, verum eo facto causam belli alteri ejusque sociis in se dat, & tenentur quoq; socii ex fœdere socio succurrere.

§. XI. Porro Guarantia hæc promittitur regulariter contra Partem quæ Pacem rumpit: uti expressum id est in *d. Pac. Oliv. art. 36. ibi: Se executionem horum pactorum intra eosdem supra nominatos Principes asserturum: & si quis eorum sub hac fidejussione*

iussione comprehensorum ea violari, arma viresq; juncturum. Cæterum nihil impedit, quò minus & contra extraneos, quin in genere contra omnes interponi possit. Neq; obstat, quod non possit videri pacem rumpere, qui pace comprehensus non est; nec intelligatur transactio nisi salvo jure tertii. Nam uti Pars ipsa tueri jus Pace illa tibi quæsitum contra omnes, etsi non consenserint in Pacem, potest, ita & Guranduseodem jure ex lege garantiae ipsi assistere contra omnes potest. Neque vero invalor, qui Partem bello petit eòq; jus Pace ipsi concessum lædit, oppugnatur ut violator Pacis, sed ut inuasor Juris pace quælit. Atq; ita expressè cautum est Pace Osnabr. art. 17. §. 5. & *Monast. d. §. 105.* in verbis: *si quid eorum à quocunque violari contigerit.*

§. XII. An autem Guarandi vindicare pacem possunt, parte læsa vel invita, vel nihil conquesta, nec opem requirente? Et sanè, si solius Partis, non aliorum intersit, non possunt; cum Pars suo Juri renunciare possit, & ne tum quidem fit injuria, quippe quæ volenti non fit. *L. 9. §. 1. ff. d. Aq. & Aq. plu. L. 34. C. d. Transact. &c.* Unde addi solet, *ad requisitionem partis læsæ:* velut in *Pac. Oliv. art. 35. §. 1.* ibi: *à requisitione partis læsæ: & art. 36.* ibi: *ad requisitionem partis læsæ: & in Pac. Osnabr. d. art. 17. §. 6. & Monast. §. 105, voc. moniti.*

§. XIII. An verò Mediatores Guarentiam præstare tenentur, etsi id Pace cautum non est? Negatur: cum Mediator, qui tantum negotii pararius est, ex negotio neutiquam obligetur, ne quidem quasi ex causa mandati: neque enim mandandi, sed consulendi causâ intervenit; nec negotium ipsius est, sed partis;
quo

quo casu mandatum non esse constar. §. *Tua tantum.* 6. *Inst. d. Mandat. L. 2. §. ult. ff. eod. tit.* Sed & totum negotium, non obstante mediatione, in libera voluntate partium situm est, quo casu mandati obligatio cessat. *L. 48. §. fin. ff. eod. tit.* Deniq; licet esse mandatum, at guarantia non est, cum aliud sit mediatio, aliud guarantia; quomodo ab invicem ea bene separantur in Pac. *Hassnienf. d. art. 34. in fin. ibi: ab illis, non solum ut Mediatoribus, sed etiam ut Guarandis. &c.*

§. XIV. Alia quæstio est, an Mediator possit saltem Guarantiam præstare? Resp. Non posse jure Pacis, sed jure belli: non ita, ut violator Pacis factum Mediatoris, armis suis alterius causam foveatis, pro jure habere teneatur, sed ut per id justam belli causam nactus intelligatur, prout *sup. in casu §. 10.* id quoque observatum atque expositum fuit. Atque hinc est, quod Mediatori quoque in Pace Noviom. *Art. 34.* & Rîsvicensi *Art. 54.* specialiter id concessum fuerit.

§. XV. Magis dubium videtur, si partes Mediatorem rogent, ut is, ad majorem Pactorum confirmationem, manum sigillumque suum paci adjiciat, an ille hoc tacto ad guarantiam teneatur. Ita enim pace inter Christianam Sueciæ Reginam, & Christianum IV. Daniæ Regem, Anno 1645. inita, Partes Regem Galliæ Mediatorem hujusmodi precibus adierunt. Verum nec hoc affirmandum existimamus, nisi aliud appareat: quia subscribit tantum ut Mediator, non ut guarandus, nisi specialiter id expressum fuerit. Neque ex sola subscriptione vel obfignatione guarantia inferri potest, cum illi actus ex variis causis & à nudis testibus quoque fieri possint & soleant. Neque adeo movet, quod specialiter in prædicta pace Partes subscriptio.

scriptionem petierunt ad majorem confirmationem & securitatem pactorum. Nam varia sunt genera & gradus securitatis; & testes quoque eum in finem subscribunt, majorque autoritatis actus est cui testes saltem intervenire. Et hoc ipsum ita declaratur in prædicta Pace *in fin.* ubi expresse additur, subscriptionem in majorem fidem & testificationem desideratam fuisse.

§. XVI. Atque hæc de Guarandis propriè dictis, à quibus plurimum differunt Obsides, qui non possunt genuino sensu dici guarantiam pacis præstare, cum regulariter jura belli & pacis ne quidem habeant, sed alterius potestati ferè subjecti sint. Deniq; dicendum quod res est, non Obsides à Principe datos præstare guarantiam Pacis, sed Principē per Obsides,

§. XVII. Unde obsides magis referendi sunt ad *sect. 3.* scil. ad guarantiam realem, quia Princeps uti pignoribus datis, ita & obsidibus datis, securitatem & guarantiam rebus potius præstat: Inprimis si ad originem obsidum respiciamus, qui cum quodammodo servi hostium olim fierent, in quos jus vitæ & necis hosti esset, iis, quasi rebus & pignoribus, cautum intelligitur. Guarandi autem illi sunt, qui præstant guarantiam, non per quos illam præstant alii.

§. XVIII. Guarantia vero, in casu Obsidum, per modum expromissionis quoque fieri potest; nimirum cum pro obside alius obses datur, vel ipse, se obsidem ita offert, ut alter liberetur: ea enim, species quædam expromissionis est, qua prior debitor liberatur, & tota obligatio in alterum transfunditur. Atque huc pertinet quoque species quam exhibet *Grotius de J. B. & P. lib. 3. cap. 20. §. 58.* sed per-

peram

peram ad sponſionis Caudinæ ſententiã refert. Reliqua vero Obſidum jura, quippe hinc alieniora, compendii ſtudio, intacta nunc relinquimus.

§. XIX. Denique ſponſores Pacis quoque videntur ad hanc guarantiam, quæ perſonis fit, pertinere. Verum id ſecus eſt. Nec enim ſponſores Pacis proprie ſunt guarandi ejus, ſed plurimum inde diſtant: & ſunt illi qui privata autoritate, & injuſſu Principis vel populi pacem vel ſcædus feriunt. Unde ipſi quidem ex ſua ſponſione tenentur, non autem Princeps ex pace, quæ injuſſu ejus plane nulla eſt, uti id magnis ſtudiis diſputatum eſt de ſponſione Caudina, & de Numantina. Vid. *Grot. d. J. B. & P. lib. 2. cap. 1. §. 2. & §. ſin.* Non poſſunt igitur ſponſores eſſe Guarandi Pacis, ubi pax non eſt, nec obligatio ad Pacem tuendam, quæ nulla eſt. Neque guarantiam Pacis præſtant aut præſtare poſſunt, qui nullum jus belli & Pacis habent. *Conf. §. 14. ſupr.*

SECTIO V. DE COMMUNIA GUARAN- TIARUM.

SUMMARI A.

- | | |
|---|--|
| <p>1. <i>Transitus. Et quinam</i> } <i>negotia extendenda ſit?</i>
 <i>guarantiam præſtare</i> }
 <i>poſſint.</i> }</p> | <p>3. <i>An & quando ad aliam quo-</i>
 <i>que pacem?</i></p> |
| <p>2. <i>Guarantia Paci inſerta,</i> }
 <i>an ad acceſſoria pacta ac</i> }</p> | <p>4. <i>Si pax rupta iterum co-</i>
 <i>leſcat pace, hæc renovata</i></p> |
- D magis

- magis quam alia pax vide-
tur, eoque & Guarantia
adeam pertinebit.*
5. *Excipitur, quatenus no-
vis pactis immutata est.*
 6. *An Guarantia utriusque
Pacis Westphalica ipso jure
pertineat quoque ad Pa-
cem Noviomagensis &
Risvicensis. Et cur ex-
presse pacto extensa ad e-
am fuerit.*
 7. *An extendenda ad novos
belli socios & Confædera-
tos: ubi dissensus Polybii
& Livii de jure fæde-
ris Lutatiani. De discrimi-
ne, pax bello rupta,
an nova bello causa data
sit, remissivè. De casu,
quò armis pax non rumpi-
tur.*
 8. *Modus exequenda Gua-
rantia.*
 9. *An statim armis execu-
tios fieri possit? Quomodo*
 - id tabulis Pacis definiri
soleat.*
 10. *Quomodo tueri Guaranti-
am liceat.*
 11. *An denunciatio belli seu
clarigatio requiratur ante
executionem Guarantia.
Distinctio Pacis Olivien-
sis legi Natura congruit.*
 12. *An guarandus neglecta
guarantiâ teneatur ad re-
stitutionem damnorum.*
 13. *Quatenus teneatur si
transactum sit.*
 14. *An Obligatio Guarantia
ad heredes pertineat, &
quosnam?*
 15. *An ex Guarantia usur-
patoris & Tyranni teneatur
Rex legitimus. De actis
Olivieri, Usurpatoris An-
glie.*
 16. *De modis finienda guaran-
tia summa traditur. Reli-
quare missivè. Guaranti-
a plurimum similis est Ad-
vocatia.*

§. I.

HActenus Guarantiæ forma, species, & cujusq;
speciei differentia ac jura propria exposita sunt.
Sequuntur reliqua jura communia. Inprimis verò
notandum, Guarantiam præstare non posse, nisi po-
pulos

pulos ac Principes cum summa quadam potestate, nec nisi qui jura belli ac pacis habent. Cum enim pax non nisi armis defendi contra violatores contumaces possit, certum est, non posse ejus guarantiam præstare nisi cuius armorum competit. Et vero Pars illa, contra quam Guarantia exigitur, non est, nisi quæ jus belli & pacis habet; de eo enim quæritur cum quo, cum bellum esset, pax facta fuit, quam deinde violat. Is vero ad pacem servandam compelli à nemine potest, nisi cui jus belli competit, cum alium alter neminem recognoscat. Hæc igitur regula primum certa est, eum solum guarantiam Pacis præstare posse, qui ipse jura belli ac Pacis habet.

§. II. Quæritur porro, an guarantia Paci inserta, etiam pertineat ad accessiones Pacis, v.g. ad pacta quæ Paci accedunt? Ubi distinguendum est, an pacta illa, incontinenti accesserint Paci, uti articuli illi separati in Pace Cameracensi de Principatu Orangiorum: &c. in Pace Hispano-Belgica An. 1648. de jure Navigationum: & in Pace Risvicensi, de Palatinatu &c. & ad has adjectiones Guarantia Pacis quoque extenditur. *arg. l. 8. princ. ff. de eo quod cert. loc.* An vero postea demum, conclusa jam pace, noviter conventa fuerit, uti Recessus de noviter emergentibus seu que deinde superveniunt; &, cum illa distincta sint a Pace pacta atque negotia, non potest ad ea referri Guarantia, nisi vel expresse aut tacite eo extensa fuerit; vel ex pace necessario sequatur. Quod bene perpensum est in *Recessu Pacis executivo. §. 10. qui Recess. Jur. 1674. insertus est.* Ubi ad conventum exequendæ Pacis modum, quæ quidem recentior dispositio est sed ex Pacis naturâ omnino sequitur, Guarantia Pacis ita extenditur;

ditur; Demnach so wohl angeregter Præliminar als dieser Haupt-Recess, von dem allseits ratificirten Instrumento pacis, als ein effectus à sua causa dependirt/ und dannenhero gleichmäßige Krafft / Wirkung und Sicherheit als der Frieden-Schluß haben/ und von allen Theilen darob gehalten werden solle. Als wird hiemit die in instrumento Pacis enthaltene Guarantia generalis durchgehend mit allen und jeden ihren Dispositionibus, assurationibus, clausulis, und Verwahrungen/ auch auf diesen Præliminar und Haupt-Schluß extendirt/ und mit gleicher Wirkung/ Krafft und Verbindung dahin verstanden.

§. III. Quando autem Guarantia Pace sancita ad aliam quoque Pacem extendenda sit, altioris disquisitionis est. Et scil. pro regula tenendum, extendi eam ad aliam pacem non posse; cum distincta sint negotia, & manifesta pugna, guarantiam aliamve legem uni soli Paci adjectam esse, & tamen alii quoq; Paci vel negotio cohærere. Idq; perpetuum est, cum bellum ex nova causa motum componitur.

§. IV. Verum secus est, si pax rupta, alia deinde pace iterum coaluerit: hæc enim non tam pax alia & a priore diversa, quam ipsius Pacis prioris renovatio ac repetitio est; etsi forte quædam ejus capita novis pactis immutentur, quippe quæ formam ac legem contractui dant. *t. t. ff. Comm. prad. l. 7. §. s. ff. d. Pact.* Accedit, quod guarantia non præstetur pro extrinseco illo modo & forma pacti, sed pro causa ipsa quæ pacto continetur; unde, etsi alia pactio videri possit, causa tamen pactionis eadem est. Uri Pace Osnabr.
& Mo-

& Monast. in id guarantia sancita fuit, ut libertas religionis & conscientiarum, jura item Statuum in genere & quorundam peculiaria, & similia ejus capita inviolata ac salva permaneant. Hanc causam itaque cum tueatur Guarantia, necesse est eam vim suam exercere, quoties eadem causa tuenda est.

§. V. Enim vero, quatenus novæ Pacis pactis quædam immutata, statusq; adeo causæ alteratus est, ad has mutationes, si ignorante & non consentiente Guarando factæ sunt, guarantiam extendi non existimamus; cum aliorum facto alii non possit noceri, neque eo hujus obligatio augeri. Et, cum Pax, qua novis pactis immutata est, alia pax, aliaque causa & obligatio videatur, non potest Guarandus sine facto suo, inscius atque invitus inde teneri.

§. VI. Unde intelligi potest, an & quatenus ad Pacem Noviomagensem & Rîsvicensem, (quam utramque absque guarantiæ obligatione esse diximus, etsi suscipere eam omnibus permissum sit,) pertineat guarantia generalis Pacis Osnabrugensis & Monasteriensis. Etenim, si pax hæc invasione Gallorum rupta fuit, & pace deinde Neomagensi ac Rîsvicensi iterum coaluit, certum est, guarantiam illa sancitam ad has recentiores omnino extendi, etsi id dictum non esset. *per §. 3. sup.* Verum cum ex parte Gallorum novæ belli causæ fingerentur, & Pax Westphalica maximam partem immutata per sequentes, & plurima per eas innovata & abrogata fuerint, necessarium partim, partim tutius fuit, illius, Westphalicæ scil. Pacis, Guarantiam specialiter ad reliquas quoque extendi: prout id expresse cautum fuit *Pac. Noviom. art. 2. & 31. & Pac. Rîsvicenf. art. 3.* scil. omnia capita Pacis Westphalicæ,

adeoque & guarantiæ generalis caput, perinde rata fore, ac si iplis Neomagensis & Riswicensis Pacis tabulis de verbo ad verbum inserta essent: quod & specialiter de guarantia sancitum est in *Pac. Risw. art. 34.*

§. VII. Sed nec extendi potest guarantia priori Pace conventa, ad alios quam qui ejus sponsione comprehensi sunt. Unde, si Pace bello rupta accedant deinde alii, sive ut focii, sive ut partes Principales, ad eos guarantiæ jus non propagabitur: nisi futurorum quoque sociorum mentio facta fuerit, aut hoc actum saltem fuisse appareat. Quod quantopere in causa fœderis Lutatiani agitatum fuerit, patet ex Polyb. *Hist. lib. 3 cap. 29. & Liv. lib. 21. cap. 19.* qui duo Historiarum propè Principes de jure hujus fœderis invicem contendunt, atq; in contraria abeunt. Quando autem videatur pax bello rupta, quando vero nova belli causa data: item, an & factio subditorum vel sociorum, vel contra subditos aut socios committendo, rumpi pax videatur, exponit Grotius *d. 3. B. ac P. lib. 3. cap. 20. §. 27. & seqq.* in quibus tamen haut pauca desideranda videntur. Id certum est, non rumpi pacem ab eo, qui turbantem forte fines vi repellit, quippe quod natura licitum est: *l. 3. ff. d. Inst. & Jur. l. 17. ff. d. Vi & vi arma.* idq; ita probè decisum est in sæpe dicta pace Oliv. *art. 35. §. 4.*

§. VIII. Modus Guarantiæ exequendæ in cæteris speciebus ultro patet, sed in tertia, quæ personis fit, paucis evolvendus est. Non itaque Guarandi ex lege guarantiæ adstricti sunt, ut violationem Pacis statim armis vindicent, sed in genere, ut operam dent, ne quid contra pacem committatur, vel ut commissum refarciatur. Quousque ergo transigi res amica,
vel

vel decidi juris via potest, nondum arma & bella movere Guarandus debet, quin ne potest quidem; quia sola necessitas vim armatam defendit, quæ non est, nisi spe transigendi aut jure decidendi extincta.

§. IX. Primo igitur semper Guarando tentanda est via juris vel amicabilis compositionis. Quam in rem certa aliqua forma in ipsa Pace præscribi quandoque solet, uti in Pac. Osnabrug. art. 17. §. 6. & Monast. §. 106. præscriptum est *triennium*, intra quod si terminari lis vel transactione vel sententia non possit, Guarandi arma cum parte laesa jungere tementur, modo ipsis una significetur, nec amicabilem nec juris viam locum invenisse. Et in Pace Oliv. art. 35. §. 2. conventum est, ut omnium Guarandorum nomine *Commissio generalis* instituaturs ad laesi confinia, intra spatium 4. mensium, quâ inter deputatos utrinque commissarios negotium discutiatur, & si possibile erit, intra 4. ad summam alios menses terminetur. Hoc si irritum fuerit, tum demum ad arma concurritur apud Loccen. pag. 29.

§. X. Etsi verò pace comprehensum sit, ut milites exaurentur, tantum tamen militum retinere licet, quantum ad securitatem & guarantiam præstandam necessarium videbitur: Pac. Monast. §. 110. quippe quàm fœderibus, munimentis, militibus, aliisque præfidiis tueri licet. Pac. Riswic. art. 54.

§. XI. An autem clarigatio seu belli intimatio præcedere debeat, quæstionis est: Et rectè distinguitur Pac. Oliv. art. 35. §. 1. & 2. ut, si citra vim armorum gravem injuriam pars alteri inferat, requiratur denunciatio belli; si verò armis utatur, illâ opus non sit. Quod legibus Naturæ quoque ita constitutum esse demon-

demonstravit illustris ac Excellentissimus Dn. Præfcs, *Promotor studiorum meorum maxime venerandus in Præl. ad Grot. lib. 3. cap. 3. §. 7.*

§. XII. Quod si qui Guarantiam debet, eam non præstiterit, an ad restitutionem damnorum tenetur? Equidem, si ab adversario grave damnum passus fuerit, tenetur ad compellendum eum, qui læsit, ad reparationem injuriæ. Quod si ab eo pars læsa consequi jus suum amplius non possit, forte quod illa jam excussa, vel læsus ad transactionem adactus fuerit, & damna, quæ passus est, à Guarandis averti potuerint, tum demum hi rectè conveniri possunt: prout in simili decisum in *R. 7. 1599. §. 34.* atque adeo in hos inde justa belli causa est.

§. XIII. Quod tamen de transactione diximus, non aliter accipiendum est, quam si Guarandi concurrere ad transactionem noluerunt, & ideo pars læsa deteriores Pacis conditionem retulit.

§. XIV. Hæc guarantiæ obligationum ad hæredes transeat, dignum quæstione dubium videtur. Et primum quidem dicendum transire ea ad hæredes, sed publicos, seu successores territorii, non verò privati patrimonii. Unde in tabulis Pacis Guarandus ita promittere solet, & in *Pac. Olivienfi art. 36. apud Loccen. dict. loc.* Rex Galliæ eam promisit, *pro se ac successoribus suis, Regibus Gallia: & Rex Hispaniæ in pace Hispano-Belgica, art. 76. apud Brachet. lib. 8.* Nisi ad personam expresse restricta sit, adeoque cum persona intererat, *l. 17. §. 3. l. 21. princ. l. 25. §. 1. ff. de Pact.* Hæc vero guarantia non ideo personalis est, quod personæ nomen expressum sit, uti in *d. art. 36.* Ludovicus XIV, exprimitur; id enim intelligitur fieri denotandæ

tandæ personæ cum qua contrahitur, non vero finiendi cum ea pacti gratia. *l. 7. §. 8. ff. cod. tit.* Quod magis valet in persona publica Regis, qui non moritur, sed successionis continuatione perennat, inprimis in Gallia, propter legem Regni, *le mort saisit le vif. de la Tiraquell. tot. tract. Le mort, &c.*

§. XV. Cæterum ex Guarantia Usurpatoris Regni legitimum Regem non teneri, juris naturalis esse non dubitamus. Cum enim is jure Princeps non sit, sed privatus, guarantiam præstare nequit *supr. §. i.* Neque potest illa unquam convalescere, nisi nova causa legitima superveniente; v. gr. si Usurpator legitimus Rex esse incipiat. Verum expedit sæpe Reipublicæ, ne acta usurpatoris rescindantur, & forte de novo concutiatur Resp. Unde Rex prudens ultro ea rata habiturus erit, atq; ita valebunt non per se, sed ex nova voluntate Regis. Bene hac de re sensit Florus de Syllæ Tyranni actis: *Lepidus, inquit, Acta tanti viri rescindere parabat, nec NB. immerito: si tamen NB. posset sine magna clade Reipublica &c.* quæ & ratio est *l. 3. ff. d. Off. Prat.* Alia ratio videtur Actorum Oliverii Cromvelli, Usurpatoris Britannicæ. Ea enim ipsius Reip. acta intelliguntur, cujus ipse se Protæctorem tantum, non Regem finxit. Verum Regis tamen ratihabitio deinde & secuta, & necessaria visa fuit. Nec immerito. Et si enim Oliverius non Regem, qui proprio jure propriaque potestate uteretur, sed reip. Britannicæ tantum Protectorem seu tutorem se gesserit, qui nudus administrator est reip. quo fit, ut non ipse, sed populus Anglicanus seu resp. per ipsum bella movisse guarantiam præstitisse, omnemq; rempublicam gessisse intelligatur; attamen cum penes rempubli-

E

publi-

34 DISP. JURID. SECT. V. COMMUNIA GUARANT.
publicam Britannicam plena reip. gubernatio ac potestas non esset, quippe quæ legitimum adhuc Regem haberet, etsi possessione regni pulsum, necessarium omnino ursum fuit, ut Rex recepta possessione Acta reip. per illegitimum administratorem bello & pace gesta, rata in primis haberet. Nam & e contrario omnia, quæ inde à 30. Dec. 1648. in ipso Regno auctoritate Usurpatoris acta gestaque fuerant, cassa & irrita pronunciata fuere.

§. XVI. Superfunt modi finiendæ Guarantiæ, qui latè adhuc exponi possent: Verum cum prolixior tractatus ultra metam instituti nostri sit, summam rei saltem dicemus. Sc. vel mutuo paciscentium consensu, vel ex lege initio adjecta, vel tali mutatione paciscentis, quæ guarantiæ præstandæ inhabilem reddit, v. gr. si ab alio armis subactus fuerit, &c. & generaliter, cum Guarantia Advocatiæ plurimum similis sit, iisdem ac illa fere modis tollitur; quos compendio exhibet Magnificus Dn. Præses in *juris Publ. prud. cap. 26. §. 15.* Et latissime Magirus d. *Advocat. arm. cap. 16. pet. tot.* Præscriptione vero, quippe inter Principes, non tollitur, nisi quæ juris naturalis est, de qua ipsa quoque prolixior, quam pro instituto, tractatio est.

SOLI DEO GLORIA.

